

րէր զնա Ղայմաղ իրանն և ունկն զնէր
 նմա, և յսէր զբանս նորա: Այս իսորովս
 ծանոյց նմա վասն կաթուղիկոսին. և
 առեալ տարաւ առ նա, և ծանօթագոյց
 նմա: Եւ գանգատեաց նմա զամենայն ինչ,
 և ծանոյց որ ինչ ի բնէ լեալ էր: Այլեւ
 եցոյց զթուղթն Մահմատ թագաւորին, որ
 տուալ էր Փիլիպպոս կաթուղիկոսին: Եւ
 իմացեալ ծանեաւ զամենայն Ղայմաղ
 իրանն, և ստաց ցնօտարն իւր, զոր ինչ
 ասիցէ քեզ Բարդ, դու գրեա աղերսագիր.
 յայս ինչ աւուր երթայ թագաւորն ի մէջ
 ջամին աղօթք ի կէս աւուրն. և դու առ
 զամենայն միաբանս քո իւրեանց հանդեր-
 ձիւն և խաթիշարիֆն, և գնացեալ ի գլուխ
 պողոտային՝ յորժամ գայ թագաւորն և
 տեսանէ զքեզ. և թէ վասն ձեր հարցանէ
 մեզ, մեք տամք նմա պատասխանի: Եւ
 թէ ոչ հարցանէ, դուք առ սակաւ մերձ
 եկայք, և ստացէք. Քրարերախտ Արքայ,
 քաղցրացո՛ զչնորհոդ իմում խնդրագրի: Եւ
 յայնժամ զոր ինչ Աստուած կամեսցի՝
 այն լիցի: Չայս ասաց Ղայմաղ իրանն, և
 հրամայեաց գնալ ի տեղի իւր, և պատրաստ
 լինել զոր ինչ պատուիրեսցի առնել մեծաւ
 զգուշութեամբ: Եւ ի պայմանեալ աւուր
 Ուրբաթու կէս աւուրն գնացին ի գլուխ
 բուն պողոտային... և կանգնեցան միա-
 բանութեամբ: Եւ ահա ելեալ թագաւորն
 բազմութեամբ երթայր, և նմուտ ի պողո-
 տայն, և հայեցեալ տեսանէ զսեաւ ժողովն,